

揭陽縣舊志

序

揭陽為秦成五嶺之一得名最
古而志乘隋唐以上無聞自宋
宣和設治而後迄明嘉靖乙巳
距思陵壬申志始兩脩何濶絕
若斯也明鼎既遷疊遭兵燹典
章放失耆舊遺文并與秦灰俱
盡矣迨我

登記號 77344

38年3月9日

913.733

5676



朝康熙丁卯前令餘姚鄭公澹慨
文猷無徵廼行採徵雍正辛亥
會脩一統志令郡邑各上方書
湘潭陳公樹芝奉鄭志為綿蕞
重加增訂義類頗詳又重三十
餘年乾隆辛巳如皋貢公大鶴
復起而續輯蓋玉是揚志凡五
易焉一日紳士送予請曰邑志

訴不知今其失罔予為諸生時
亦嘗究以古今人物山川風土
禮樂兵刑之書一行作吏如
簿書期會間日無寧晷矣其能
與斯役耶既而紳士請益堅且
言番禹進士浚君西波愍掌故
今在籍因禮政之并延邑紳陳
君仰齋庀其局予為發凡起例

寧質勿虛寧嚴勿濫務期遠示
遺燬近不撫浮永作榕城實錄
二君深恩旁訊含豪矜慎猶復
譴讓未遑每一編成輒與予往
來辨謬稿再三易而後定凡戶
口土田兵防郵政以及學校科
名官師人物各門類體奉周官
典徵史載論協輿情缺者增偽

者正蕪者芟奉、原、十越月
而告竣予披覽之下既以自喜
還以自惕曰揭之為邑古矣膺
符綰綬代不絕人求其在任民
懷既去民思者殊不多睹然考
其時或世逢多故或歲遇溺被
不期有功唯期免過咎、而是
今際

月四
國家太平極盛玉燭調風雨時而
宿望重臣宏宣

聖朝德意愷澤旁敷河婆琅山之
墟悉化耕牧誦絃之壤為今者
心無他擾得一意拊循乃猶為
繭絲不能為保障是重自愧耳
余兩度濫竽揭地於民風土俗
知之頗詳願賦稟疎庸恒虞寅

負幸數年來民安吏拙控牒稍
稀得藉手告成此書若者宜因
若者宜革若者當先圖若者當
設憲俾設之官斯土者展卷瞭
如於以宜民而善俗或不無少
補云

乾隆四十四年歲次己亥五月

既望文林郎知揭陽縣事粵

西桂平劉業勤撰



凡例

一縣自宣和辛丑設治而後志凡一修始修於

乙巳維時創藁者邑令王鳳增校者孝廉孫大椿也
再修於崇正辛未裁閱者邑令馮元颺陳鼎新汪國
士纂修者詹事郭之奇分輯者都閩黃夢選庠生王
陽春陳仕清謝燾袁年校勘者庠生陳應登楊國也
三修於

國朝康熙丁卯纂輯者邑令鄭濂增校者孝廉金元起
羅國珍校閱者教諭李英訓導李廷鎰也四修於雍
正辛亥裁閱者邑令陳樹芝分纂者海陽副貢蔡祖

坤布衣卓犖也五修於乾隆壬午署邑三惠州通判
黃大鶴也例應備書

一是書爲綱八爲目六十八較前志加詳其間有增補
者有更刪者皆參稽省府二志及蒐採名家文集斟酌
而損益之不敢稍憑臆見

一星野沿革山川都畧等類雖各沿舊文而歷代源流
古今險易里道遠近逐一詳核俾開卷瞭如

一學宮先賢先儒次位奉文更定天下通行而舊志東
廡先賢自梁鱣以下至邵雍三十二人仍列西廡西
廡先賢自巫馬施以下至程頤三十一人仍列東廡

乾隆二年有若已升皆仍列先賢吳澄已復祀仍缺
不載乾隆八年祭聖樂章已奉部新頒亦仍書其舊
今悉更正

一賦役欸項最屬紛繁舊志於原額今額及割隸豐順
者錯雜重書又屯糧已詳賦役復行另載今省去煩
複以歸簡明

一經費有原額有裁解屯田有戶名有畝數鹽法有額
花紅有溢花紅舊志多不分明今并臚列

一雜稅內棉湖稅糖寮稅湯亭埠稅河婆埠稅四項向
來最爲民累雍正九年已奉文於豁無名之征案內

經前令陳樹芝詳銷不宜復存其迹又寺觀田租卽
注於寺觀下足矣闕入官租中甚無謂也今并削去
一鄭陳二志於職官中以贓敗以計去一一註明正見
歷久弗磨足昭炯戒續志槩行塗抹殊失勸懲今照
前補入至寓賢舊志夾叙於耆壽懿行之內嫌於主
客混淆茲移綴名宦傳後似符體制

一志書首重莫如人物揭賢如莊惇之薛中離翁襄敏
薛平修鄭世穆林志和諸公皆一代偉才而舊志叙
述寥寥實爲簡略今參之明史攷其家傳本末詳明
不留餘憾矣至一行之善亦屬好修或有濫竽然舊

志既登今無憑槩從削例

一 人物列傳舊志首賢品而附以鄉善孝義次耆壽而附以懿行體裁未協今更賢品爲賢達先叙於前以莊薛翁林諸公功在朝廷非尋常可伍也繼孝義重彝倫也次懿行表幽芳也至髮禿齒危之叟沐浴太平異饘宿糲王政必及因以耆壽殿焉

一 舊志有鄉善一門蓋雍正丙午丁未連歲飢饉紳士解衣推食惠此一方曾蒙憲司所獎也今仍之而凡除路甃橋施棺掩骼與建祠捐嘗修堤築堰等事皆類附焉庶幾慕義者觀感而興

續志舛處甚多如職官中教諭余志余作余訓導全
太冲全作金縣丞沈彥昇昇作申訓導屈復舒復作
後則姓名誤也選舉中林維翰之科仕移綴於林垌
江果之銜缺移綴於鄭大化則官職乖也人物中邢
之桂傳楊機部廷麟部作郭幾若兩人不知機部乃
廷麟之字明史可考也藝文中襄敏紀畧序分宜爲
政宜作而幾不可解不知分宜是袁州縣名蓋指嚴
嵩也諸如此類難於枚舉至文義之訛字畫之錯尤
踈校勘茲爲一一釐清

一選舉中闌入鄰邑者甚多揭未嘗之人何必借才異

地且旣注明某籍亦不足增光去之庶免牽混至武
科列在椽吏各途之後軒輊失倫其行伍出身者并
隸武功稱名亦謬今爲更置

一選舉中舊載村名非體也况揭邑諸村如溝頭溝口
後埔後畔旣多相同且狗吠寮牽牛坑蛇頭寨馬子
腰火燒頭雷劈地等名尤屬鄙俚置於科目下殊不
雅馴黃志刪之而未全或有或無不免參差互見今
槩削之而注以都分廼覺整齊

一舊志有年表有祥異但邑乘而稱年表僭也且所載
又雜以祥異眉目不清今統歸一門而改稱事紀亦

便觀覽

一揭邑阻山瀕海向多伏莽且遠通吳越近達漳泉巨艦危檣寇盜往來尤易舊志有兵事一門載邑人罹禍最烈但傳聞有悞闕畧滋多今博採羣書詳爲覲縷俾膺斯土者覽之綢繆未雨預戒不虞焉

一物產陳志箋注甚詳可資淹博但多非揭產徵引過繁今量爲節刪以省篇帙

一婦人從一之義等於臣忠白首全貞無力上達更爲可憫故舊志無論旌表未旌表皆錄於節烈中但其間有守清而節者有節而非烈者今仿照劉向傳統